

U O Φ E P ϕ

ξ U β γ U γ U ι ϕ

ϕ.

Ն Ե Բ Ի Ո Ղ Ե Ա Ն

ՅՈՐԴԻՍ ԵՒ Ի ԹՈՌՈՒՆՍ

ՀԱՅԿԱՆԻ ԳՐԱԳՐԱՐԱՆ

ՍՐԲՈՅ ԼՈՒՍԱԻՈՐՉԻՆ



Ի Վ Ե Ն Ե Տ Ի Կ

Ի Տպարանի Մխիթարեանց

Թ Ե Գ — 1854

ԳՐՈՒՆԸ ԳՈՎԵՍՏԻ

ՅՈՐԳԻՍՆ ԵՒ Ի ՔՈՌՈՒՆՆՍ

ՍՐԲՈՅՆ ԳՐԻԳՈՐԻ

ՄԵՐ ԼՈՒՍՆԵՒՈՐՁԻՆ

Ի ՍՈՒՐՔՆ

ՆՐԻՍՏԵՎԷՍ, ԵՒ Ի ՎՐԹԱՆԷՍ

Ի ՏՈՒՍԻՊՆ, ԵՒ Ի ԳՐԻԳՈՐԻՍ

ՆՍ ԵՒ Ի ԴԱՆԻԷԼ



ԲՆԱԶՆԻՔ սրաի խնոյ բորբոքի ,
և տկարութիւն անձին խնոյ նահան-
ջեալ կասեցուցանէ 'ի յօժարութե-
նէս . յոյսն առ Աստուած ստիպէ ,
և սէր սրբոցն փութացուցանէ .
բայց անարժանութիւն իմ ոչ տայ
համարձակել . վարանեալ գոմ
յերկոցունց , և տարակուսեալ 'ի
մէջ ծփանաց . երկնչիմ 'ի մեծու-
թենէ իրիս , և զարհուրիմ 'ի հեղ-
գութեանցն սպառնալեաց . փու-
թամ յուսով և սիրով 'ի դաշնա-
կուսն բանիս , և հրաժարեմ 'ի
սպառկառելի սպառուոյս : Մեծ է
սէր քան զամենայն . և գովելի
գտանի երկեւղ յորժամ ոչ լինի
ընդ տանջանօք . բազում են սպա-
ճառք լսութեան , և յոյով կաս-
կածանք արդելման . նուազեալ է

Ժամանակ , և ցամաքեալ սէր բազմաց :

Վասն որոյ ոչ ինչ խափանումն եպերանաց տեաանի 'ի յանդգնելոցն յաշաղութեամբ ընդդէմ այնոցիկ , որք 'ի հոգս իրաց հանգիսանան . այլ որ անօրինելոցն է անօրինեացի . և որ բարկանալոցն է բարկացի կարճամտութեամբ և նախանձու զինեալ վշտով . զի տէր ճանաչէ զխորհուրդս մարդկան յիրաքանչիւր միտս որոշեալս և զանազանեալս . որ քննէ զսիրտս և զերկկամունս : Այլ ինձ բանս յառաջեսցի , և սուրբքն պատուեսցին գովութեամբ , և Աստուած փառաւորեսցի :

Եւ զի քահանայական է տօնս , քահանայից և իրախութիւնս . համազգեաց ինդութիւնս , հովուապետաց հանգէսս . վասն որոյ մանաւանդ պատուելի է 'ի մէնջ . զի մերազնեայք գոն կոչնատէրքս . և առաւել երախտաւորք հովիւքս սուրբք . հարք հոգեւորք , ծնողք բարեփառք . առաջնորդք յաջողակք .

նաւաստիք իմաստունք , հանդիսա-
գիրք նորահրաշք . արբանեակք
երանաւէտք՝ բազմազիմի երկամբք
ծնանելով , և մեծագոյն սիրովն սը-
նուցանելով զորդիացելոցս անձինս ,
հաստատելով վերստին 'ի յոյսն
կենդանի :

Եւ արդ զինչ հաաուսցուք փո-
խարէնս երախտեաց հարցդ հոգե-
ւորաց . կամ զորպիսի արիտուրս
տացուք ընդ մեծագոյն վաստակոց
աշխատելոցն 'ի մշակութիւնս հո-
գեւոր գործոց . զի թէ զամենայն
սուրբս պատուել պատուէր ընկա-
լաք , որչափ եւս առաւել զհա-
մազգի առաջնորդս մեր և զծնողս
զմեզ հոգեւոր շնորհիւ . զի թէ
յընտանիս հաւատոյ հրաման առաք
գլծալ , և զակն ոչ դարձուցանել 'ի
զաւակէ ազգատոհմի ըստ գրեցե-
լումն , ապա քանի եւս հարց մերոց
հոգեւորաց պարտիմք շնորհակա-
լուք լինիլ տօնասիրութեամբ գլծա-
ծաբար , զի մի դատիցիմք ընդ ապե-
րախտիցն և ընդ անշնորհակալու բա-
րեկրելոցն : Զի ոչ կարելն 'ի գոր-

Տառնութի ըստ արժանոյն՝ ՚ի տկա-
 րութենէ ասացաւ լինել անձինս . իսկ
 ոչ կամելն ձեռնամուխ լինել ըստ
 բաւականին , յանհաւատութենէ
 ստուգեալ եղև . այլ հաւատով և
 սիրով յօժարելն՝ հաճոյ է Աստու-
 ծոյ և սրբոյ իւրոյ . և թէ այս այս-
 պէս է հաւաստի՝ որպէս և է իսկ,
 ապա բարիոք է , քան ՚ի քուն թան-
 ձրութեան խորդալ ծուլութեամբ ,
 աշխատասիրութեամբ յօժարամիտ լի-
 նել ՚ի գործ . և ըստ այսմ՝ սարասի
 ձեռնամուխ լինիմք յիրս . թէպէտ
 և կասեալ գտանիմք յարժանեոյն .
 զի քան զոր սոյ Աստուած՝ առա-
 ւել ոչ պահանջէ . և ոչ սուրբքն
 եպերեն զըստ կարողութեան հան-
 դիսացեալն . այլ սիրով հաճու-
 թեան ընդունին և վարձս հատու-
 ցանեն :

Եւ արդ որովհետև զպատ-
 ճառան ՚ի բաց մարբեցաք զպատճա-
 աասիրաց , եկայք այժմ՝ սիրելիք՝
 մտաց աչք յառեցուք ՚ի հանդէս
 սրբոյն . և դիտեսցուք որչափ և է
 կարողութիւն՝ զերանելեացն զմե-

ծուծիւն շնորհին . թերեւս կարաս-
 ցուք փոքր 'ի շատե ընծայարեր լի-
 նել սրբոցն . զի կոչնասերք մեզ ա-
 ւուրս հանդիսի և պատճառք Ժո-
 ղովոյս՝ ոչ մի ոք կամ երկուք 'ի
 հարց բարեփառաց , այլ յոլովից
 վեհից և պատուեցելոց անձինք -
 հովուաց և հովուապետաց հաւա-
 քումն . քահանայապետից քահա-
 նայացելոց , և պատուով ճօխացե-
 լոց մեծուծեամբ . Արիստակէս և
 Արթանէս , Յուսիկ և Գրիգորիս -
 ընդ որս և մեծն Դանիէլ սքանչելի
 երեւեալ , յայլասեռ ջեղէ՛ բարի
 արդասիւք առ այսոսիկ միացեալ :
 Եւ սոքա երանելիքս զորոց զմիշա-
 տակս տօնախմբեմք , յառատա-
 բուղիս ազբերէն յառաջեալք , ան-
 ճառելի վասակաց բղխամբ՝ զճարա-
 լի անդս մտաց մերոց ուսուցեալք
 յաստուածային հոսմանցն վաս-
 կաց : Տունկք տենչալիք 'ի մեծա-
 դոյն բուրաստանէն բողբոջեալք -
 բարունակք բեղնաւորք 'ի հայրա-
 կան որթոյն ուռ շառաւիղեալք -
 ծաղիկք ծիրանափառք , 'ի ծովայ-

Ին ծոցոյ ծաղկոցէն ընձիւղեալք .
 պատուք գեղեցիկք 'ի բարիոք ար-
 մատոյն բարւոք բոլորեալք , քաղ-
 ցրահամք և վայելչազարդք . ցան-
 կալիք և քստմնելիք . արեանառուք՝
 հօրն արփիածագ . սերձացեալք
 պատուով վեհագոյն . Թագակա-
 ռոյցք և Թագաւորազունք . բանի-
 բունք և բերկրահամբոյրք . քա-
 ըողք պատուիրանին ճշմարտութն ,
 և քաջամարտիկք 'ի պատերազմի
 ընդդէմ այսոցն չարութեան . խօ-
 սեալք առաջի Թագաւորաց ըզ-
 վկայութիւն տեառն ամենայն հա-
 մարձակութեամբ , և նահատա-
 կեալք ճշմարտաբարող վարդապե-
 տութեամբ . քահանայական շնոր-
 հիւ պսակեալք , մարտիրոսական
 հանդիսիւ պայծառացեալք , վկայա-
 կան անուն ժառանգեալք , 'ի գանձ
 տեառն յաւելեալք , և յարքայու-
 թիւնն երկնից փայլականանման ե-
 թեւեալք . դասակիցք դասուց ան-
 մարմնոց , և փառաբանիչք փառաց
 բարձրելոյն : Արիստակէս մեծ քա-
 հանայապետ , մեծափառ հօրն փո-

խանորդ . ըստ գրեցելու մն՝ Փոխա-
նակ հարց եղիցին օրդիք . ոչ միայն
Ժառանգ հայրենի պատուոյն , այլ
և սրբութեամբ վարուց՝ հօրն հա-
ւասարօրդ գտեալ . մանաւանդ թէ
և կուսութեամբ առաւելեալ եւս
քան զնոյն . սուսեր հոգեւոր երե-
ւեալ ճշմարտապէս բանիւ վարդա-
պետութեան . անակնառու յան-
դիմանութեամբ՝ յանմտագունից ա-
տեցողաց 'ի վերայ պատուիրանի
տեառն խողխողեալ՝ առաքելաբար
զմահ ընդունէր , 'ի կաճառս կեն-
դանեացն թեւահոխելով . զի միշտ
կենդանի գոլով Աստուծոյ ըստ
տերունեան հրամանին . յեկեղե-
ցիս անգրանկաց գրելոց 'ի յեր-
կինս 'ի վերինն Երուսաղէմ որ է
մայր մեր ամենեցուն . յազատն 'ի
վայրաքարշ վրդովմանց , հուպ առ
Երրորդութիւնն . ուր սերօբէիցն
դասք , քերօբէիցն գունդք , աթո-
ռոցն ջոկք , հրեղինացն հոյլք ,
ճշմարտապէս անդ և քահանայա-
պետն մեր սուրբն Արիստակէս . ուր
և փառաւորէ խմանալի ձայնակցու-

[Թեամբ ընդ երկնայնոցն դասուց
 զքահանայապետն Քրիստոս զփա
 աւորեալն ընդ Հօր և Հոգւոյն
 անչաելի ձայնիւ յաւիտեան :

Սա էր 'ի կառուցման 'ի վիճին
 հաւատոյ 'ի նիկիական հարցն հա
 ւաքումն՝ փոխանորդ հօրն առա
 քեալ 'ի Հռովմայեցւոց մեծագա
 հու[թիւնն] . մեծափառ և զարմա
 նալի հրաշիւք անդ փառազարդեալ .
 'ի մէջ բազմախումբ հարանցն սրբ
 րոց հանգիսաւոր երեւեալ . 'ի վե
 րայ կապուտակ ալեայն լայնատա
 րած լծին լիութեան վեհաւէտ և
 քամնածածան կորովակի սիքա
 շարժ [Թանձրութեամբ ջուրցն Ավ
 կիանոյն՝ սիգաքայլ սախիւք սրնն[Թա
 ցութեամբ սխրացեալ , անվեհեր
 դիտմամբ յիսուսաբար 'ի նկատեալ
 անդին հասանէր : Աչ պետրոսօրէն
 երկնաէր , այլ փրկչարար խիզա
 խէր : Եւ թողովելոց հարցն բազ
 մութեան՝ սխրալի հիացումն առ
 նէր . և զանդրազարձութիւնն եկա
 ւորութեամբ՝ ոչ տարակուսանօք
 ինչ հայ[Թայ]թէր , կամ յառաջար

կեալ հանդիսէն կասեր . այլ նոյնա-
 ձեւ օրինակաւ համարձակապէս 'ի
 հաստատուն երկիր ելանէր . որ և
 հետք հեռագնացութեանն մինչեւ
 ցայսօր ժամանակի լուսաշաւիղ ե-
 րեւմամբ 'ի վերայ երեսաց ջուրցն
 տեսանի առ 'ի յիշատակ սրբոյն
 սքանչելեաց . և ճշմարտապէս ամե-
 նայն ուրեք 'ի տեսողացն ստու-
 գիւ պատմի առանց երկբայութեան
 օրպէս և է ճշմարիտ . նա և թըշ-
 նամեաց վկայութեամբ հաստատի
 հաւատեալ , որ զօրաւոր է յամե-
 նայնի . այլ և տուն Աստուծոյ և
 տաճար սրբութեան 'ի տեղւոջն
 հաստատեալ , առ 'ի վկայութիւն
 հրաշիցն և 'ի հաւատ տեսողաց :
 Յորոց հիացմամբ փառս վերառա-
 քի հրաշագործողին Քրիստոսի -
 զի Աստուած փառաւորեալ է 'ի
 խորհուրդս և 'ի բանս և 'ի գործս
 սրբոց իւրոց ճշմարտապէս : Եւ ըզ-
 փառաւորիչս իւր փառաւորէ փա-
 ռաւորեալն յամենայն 'ի գործս
 բարիս օրգւոց մարդկան . զորոց
 տեսեալ զմեծասքանչ հրաշս ժողո-

վուրդք հաւատացելոց, փառաւորեն զհայրն երկնաւոր զտուիչն այնպիսի իշխանութեան մարդկան: Սա դառնայր ՚ի ժողովոյն Նիկիայ և դայր յաշխարհս հայոց մեծաւ հանգիսիւ, շնորհօք հոգւոյն սրբոյ զօրացեալ, հանգունաարիւս փրկչին մերոյ Յիսուսի դառնալոյն զօրութեամբ հոգւոյն ՚ի Գալիլեա . և ելանէր համբաւ զնմանէ ընդ ամենայն կողմանս գաւառաց ուր և հասանէր . որք ասէին՝ Այս այր է որ իշխանութեամբ սաստէ հոգմոց և ծովուց ըստ օրինի փրկչին Յիսուսի և հնազանդին սմա : Նա և այսոց պղծոց հրամանն տայ և ելանեն . և զամենայն ցաւս ապաքինէ ՚ի մարդկանէ զօրութեամբ տեսան իւրոյ : Որք լուեալ բերէին զամենայն հիւանդս և ախտաժէտս և ընկենուին առ ոտս նորա և բժշկէր զամենեսեան . և տեսեալ բազմաց զեղեալ սքանչելիան , տային փառս Աստուծոյ և ասէին , որպէս լուաք՝ սոյնպէս և տեսաք : Եւ այսպիսի մեծասքանչ հրաշիւք և չքնաղագեղ

Ճոխութեամբ գայր հասանէր յաշխարհս հայոց, բերելով ընդ ինքեան զգիրս հաւատոյ զեղեալն 'ի մեծէ ժողովոյն. և մատուցանէր հօրն իւրում սրբոյն Գրիգորի և մեծի թագաւորին Տրդատիոսի. որք մեծաւ ուրախութեամբ ընկալեալ բերկրէին, և յաւելուին 'ի նոյն ըստ պատշաճի, խնդրելով 'ի տեառնէ՝ զի 'ի նոյնն հաստատ կացցեն մնասցեն իւրեանց վիճակեալ ժողովուրդս :

Սա կացեալ զկնի հօր իւրոյ մեծին Գրիգորի յաթոռ հայրապետութեանն ամս եւթն, բարւոք վերակացութեամբ և ճշմարիտ վարդապետութեամբ յանդիմանելով զչարսն. և որպէս ասացաւ՝ յԱբբեղայոսէ ամբարիշտ բռնաւորէ վասն սաստկագին յանդիմանութեանն՝ սրով զմահ ընկալեալ, հասանէր խնդութեամբ առ Քրիստոս, առ որ անձկացեալն էր 'ի մանկութեանէ. ասելով, Տէր ոչ զոք սիրեցաք յաշխարհի, բայց միայն զքեզ. և թէ, Թողաք զամենայն և եկաք

զկնի քո, և զբանն քո սրահեցաք
 ճշմարտապէս . սուր մեզ զողոր-
 մութիւն քո . այսպէս վճարեաց
 զկեանս սուրբ հովիւն մեր . սուգ
 մեծ թողեալ վիճակելոց իւրոց .
 որոց վասն աղօթէ միշտ առ տէր
 ասելով . Զգործս ձեռաց քոց մի
 անտես առներ :

Իսկ զկնի սորին երանելին Ալբ-
 թանէս հարազատ եղբայր սորա .
 ոչ միայն ըստ մարմնոյ, այլ և ըստ
 հոգւոյ եւս՝ առաքինութեան նո-
 ըին գոչով համեմատ, բազմազիմի
 պատուով պանծացեալ . որ և ուղ-
 զափառ վարդապետութեամբ զճրչ
 մարտութիւն միշտ քարոզելով,
 հաստատէր եւս կրկին անգամ
 իւրով յօժարական երկամբք զա-
 թոսն թագաւորական, բարեպաշ-
 տութեամբ և ուղղափառ հաւա-
 տով զարդարեալ . կայսերական
 պատուով պանծացեալ, և ՚ի սր-
 աիւ սրբութեան շքեղացեալ . յա-
 ռաջադէմ յամենայն գործս բա-
 րութեան, արիագոյն ՚ի վաստակս
 առաքինութեան : Զբարեմիտսն

յորդորելով 'ի գործս բարիս, և զբարն յանդիմանելով բանիւն ճշմարտութեան. արդարեւ քանոն հաւատոյ և շափ աստուածագաշտութեան և հիմնադրութեան յամենայնի ճանաչէր. 'ի մարմնի միշտ կենդանի վկայ Քրիստոսի. սպանանելով զանդամս զերկրաւորս ըստ առաքելոյն բանի: Անմարմնաբար ճգնութեամբ, ճշմարիտ քաղաքավարութեամբ, ուղիղ վարդապետութեամբ և բարւոք վերակացութեամբ՝ զանձն օրինակ տալով բազմաց և նպատակ բարեաց զինի եկելոց, ըղձալի մարդկան և հաճոյ Աստուծոյ:

Յաւելեալ 'ի հարս հայրապետն, 'ի քահանայս քահանայապետն, 'ի հովուս հովիւն քաջ, որ զանձն իւր միշտ եղեալ էր 'ի վերայ հօտն, 'ի ճգնաւորս անմարմնաբար ճգնեալն. 'ի վկայս՝ հանապազօր մեռեալն աշխարհի. որոյ աշխարհ 'ի խաչ ելեալ էր՝ և ինքն աշխարհի: Ի մարտիրոսս՝ միշտ մարտուցեալն 'ի վերայ պատուիրանացն Աստուծոյ: 'ի

'նահատակա' հանապազօր նահատա-
 կեանն ըստ հաճոյիցն Աստուծոյ . 'ի
 մենամարտս' բարւոք մարտուցեալն
 ըստ օրինի տեառն . 'ի սիրելիան Աս-
 տուծոյ' միշտ անձկացեալն առ նա
 սիրով . որ միշտ փափաղէր զելա-
 նելն 'ի մարմնոյ աստի և զլինելն առ
 Աստուած . որ հանապազ գոչէր
 ընդ մեծին Նաւթի բաղձալի սիրով,
 Ն'րբ եկից երեւեցայց երեօացդ Աս-
 տուծոյ : Աւազագոյն հրաժեշտ խըն-
 գրելով յախտալի կենացս ցանկա-
 լին վերնոց , և մեզ յոյս բարեաց առ
 Աստուած և սարժանս առ մար-
 մնակից մարդիկ . որ և բարեխօսէ
 միշտ առ տէր վասն հօտի իւրոյ աստ-
 մնացելոյ :

Ա.Մ և շառաւեղ սորին սրբու-
 թեան մեծայայնն և յուսոյ ժա-
 ոանդն . որ յուրազոյն յուսով
 յուսայր 'ի յոյն առաւօտարգեւ-
 յուսով կարգալով զանունն Աս-
 տուծոյ զյոյն ամենեցուն յօգնա-
 կանութիւն յուսացելոց 'ի յոյն
 բարի , ճշմարիտ քահանայապետն
 Յոյն յորջորջեալ . փոխանորդն

հօրն ամուսնոյն , և նախանշաւոր նա-
 րին առաքինութեան : Նաեւ զնա-
 խանձ աեաան յանձին կրելով հան-
 գոյն մեծին Աղիայի , 'ի վերայ պատ-
 ուիրանայն Աստուծոյ նահատա-
 կեալ նման մեծին Յովհաննու մը-
 կրրայի : Ա յէ՛հինգի ր փառաց փրկե-
 ջին մերոյ Քրիստոսի , որդւոյն Աս-
 տուծոյ վկա ճշմարտութեամբ .
 հովիւ հոգեւոր՝ հօսին Քրիստոսի ,
 արգարեւ աեաան նմանեալ , զանձն
 գնելով 'ի վերայ ոչխարաց , գորո-
 վագութ սիրով հոգայր մեծապէս
 վասն փրկութեան հօսին իւրոյ .
 դթած արար գոչէր առ բարեգութն
 և ողորմածն Աստուած , Մի մերժեր
 զմեզ յողորմութենէ քուսմէ . մի
 ջրեր զուխաս քո . մի 'ի բացէ առ-
 ներ զողորմութիւնս քո 'ի մէնջ . մի
 մասնեք զմեզ խաղառ վասն ա-
 նուանդ քում սրբոյ . այլ զերժո
 զմեզ յորոգայթէ որսողին վասն
 Նրիգորի սրեւոյ քո , և վասն
 Ռատակիսի ընտրելոյ քո , և Ալբ-
 րտանիսի սրբոյ քո . յիշեա աեք ըլ-
 Նրիգոր և զամենայն հեղութիւն

նորա . որպէս երգուաւ տեառն եւ
 ուխտս եղ Վատուծոյ իւրոյ , թէ
 ոչ ելից 'ի խորութեան վերապէս եւ
 'ի միջոյ թու՛նաւոր զազանացս . թէ
 տաց քուն աչաց , կամ նինջ արտե-
 լանաց . թէ տեսից զոյս արեւու ,
 մինչեւ զաւետիս ընկալայց փրկու-
 թեան ազգիս այսորիկ . թէ բեր-
 կրեցայց սրաիւ , մինչեւ գտից զտե-
 ղի արկանեւ Հիմն տաճարի տեառն
 'ի գաւառիս յայսմիկ : Եւ արդ տէր ,
 յիշեա զուխտ վաստակաւորին քո .
 ե զնեղելոց անձանց սաղատանս մի
 անտես առներ . տուր փառս ա-
 նուան քում որ փառաւորեալդ ես
 յաւիտեան : Անձինք նեղեալք եւ հո-
 գիք ձանձրացեալք յանօրինաց յա-
 բուցելոց 'ի վերայ մեր , աղաղա-
 կեմք առ քեզ Քրիստոս փրկիչ մեր .
 լուր ձայնի աղօթից յուսացելոցս 'ի
 քեզ . ե փրկեա զմեզ 'ի հալածչաց
 մերոց . զի քեզ փառս վերառա-
 քեսցուք ընդ հօր եւ հոգւոյդ սրբոյ :
 Այսպիսի գորովագուծ սիրով ա-
 ղօթեր քաջ հովուապետն մեր եւ արի-
 երջանիկ ծնօղն ըստ հոգւոյ երա-

նելին Յուսիկ 'ի վերայ հօտին իւրոյ . այսպիսի արտօսրագոչ պաղա-
 տանս մատուցանէր առ Աստուած
 վասն բանաւոր խաշանց իւրոց .
 այսպիսի սիրալիր գթով գոչէր առ
 տէր վասն արագահաս օգնականու-
 թեան , շարժելով 'ի գուծ զայն որ
 ոչ երբէք դադարէ 'ի գծալոյ : Եւ
 այսպիսի թախծեալ սրաիւ հեղոյր
 զանձն առաջի տեառն . և յորդա-
 ռատ արտասուօք ուղղէր զերեւո-
 երկրի . որ և այսպիսի աղօթիւք սա-
 տակէր զանօրէնն Յուլիանոս զան-
 մտութեամբ յարուցեալն 'ի վե-
 րայ եկեղեցւոյ սրբոյ : Եւ ինքն որ
 ըստ օրինակի տեառն զամենեցուն
 կամէր կեալն և 'ի գիտութիւն ճշ-
 մարտութեան զգալ , փութանակի
 հասանէր առ թագաւորն , թերեւս
 կարացէ շահել զփրկութիւն ո-
 գւոյ նորա : Եւ անգ 'ի ձեռն ա-
 ռեալ զխրատ վարդապետութեան
 իւրոյ , բազում ջանիւ հնարէր դար-
 ձուցանել զնա յապարասան բա-
 րուցն զոր ստացեալն էր . յուշ
 առնելով նմա զտեառն մարդասի-

բուժիւն և զերախափս նախնեացն
 և զՋանս վաստակոց նոցին . Ով թա-
 գաւոր , ասելով , ընդէր անմաանաս
 'ի քրէական մեղս յանդգնելով . ե-
 կեղեցի գնեալ է պատուական ա-
 րեամբն Քրիստոսի , և քարինք սո-
 րա շաղտիտեալ են 'ի կայլակահասաղ-
 բերէ կողից նորա . և շինուած յար-
 կի սորա առաքելովք և մարգա-
 րէիւք հիմնացեալ է . հայրասկեաց
 և վկայից կատարմամբ աւարտեալ
 է . հրեշտակաց բնակարան և մարգ-
 կան քաւարան խոստովանեալ է .
 աթոռ աստուածութեանն 'ի սա-
 կառուցեալ է . զնորածնեալն՝ որ-
 գիս Աստուծոյ առնէ . զամուսնա-
 ցեալն՝ ողջօխոհութեամբ զարգա-
 րէ . զննչեցեալն հաղորդս առնէ
 տեառն արքայութեան : Հիմ առ-
 նես զսա տեղի և բնակարան գիւաց-
 զիարդ զտաճար Աստուծոյ՝ բա-
 գինս կռոց . ո՞րպէս զյարկս փրկու-
 թեան՝ տեղի կորստեան . ընդէր ըզ-
 տուն սրբութեան՝ վայրս պղծու-
 թեան . զի՛նչ օգտեցան այնոքիկ որք
 այդպէս անմաացան . ո՞ւր են թագա-

ւորքն առաջինք շարագոյնքն և ա-
 սարասանք, որք սաշտօնեայք էին
 դիւաց. ոչ ապաքէն որպէս զԾուխ
 ստեղծեցան, և իբրեւ զփոշի զոր
 սարաւ մրրիկ, և երանի՛ թէ այս
 շափ միայն, այլ կան և մեան լուց-
 կիք յաւիտենական տանջանացն : Եւ
 զքեզ կամիմ զի ընդ երկրաւոր թա-
 գաւորութեանդ՝ և զերկնիցն ժա-
 ռանգեացեա զարքայութիւն, և ընդ
 անցաւոր փառացս՝ զանանցն առ-
 ցեա փառս : Յիշեա զվէման հաւա-
 տոյ զՏրդատիոս և զԳրիգորիոս,
 զհաւն իմ և զհաւն քո, ուստի կրը-
 կին կոփեցայք ըստ մարմնոյ և ըստ
 հոգւոյ, նոքա զգիւածոյլ սատ-
 կերսն խորտակէին, և զմեհեանսն
 քանդէին, և ՚ի տեղիսն եկեղեցիս
 հիմնարկէին : Եւ դու զտաճար Աս-
 տուծոյ բնակարան դիւաց առնես
 և տեղի կոոց սատուստես : Եւ ո-
 ՐՈՒՄ տանջանաց չիցես արժանի .
 կամ ո՞ր գեհէն զքեզ ոչ այրեցէ .
 վասն զի կրկին է սարասանութեանդ,
 ուրացութեամբ և ՚ի սրբ-
 ութիւնսն մեղանչես, զի թէ ՚ի

վայրարեակ տեղիս կապաղաշտե՛ն
 կորուսա է անձին, ապա զո՞ր նե-
 րունն թողութեանն ունիցի որ ա-
 սեղանալիս Աստուծոյ զպատկերս
 գիւաց գնիցէ. քանզի զի՛նչ իս-
 զորդութիւն է լուսոյ ընդ խաւ-
 ըի. կամ զի՛նչ նմանութիւն է տա-
 ճարի Աստուծոյ ընդ մեհենեաց:
 Ասան որոյ նպաստաւորութիւն մա-
 տուցանեմ քեզ զգուշանալ ՚ի շար-
 յամառութենէդ. զի մի եկեացէ ՚ի
 վերայ քո բարկութիւն տեանն. զի
 թէ Բաղասասար արքայ բարեւոյցոց՝
 որ զսպասս սրբութեան յանարժան
 տեղիս մատուցանէր՝ շարաշար սա-
 տակեցաւ, ապա առաւել եւս քեզ
 լիցի կորնչիլ, որ զգարչեւիսն ՚ի սրբ-
 ութիւնսն մերձեցուցանեսա. վասն
 որոյ աղերսիւ հայցեմ և փոխան ա-
 զաչեմ ով թագաւոր, մի փութար
 ՚ի քոյին կորուսա: Մի զերկրաւոր
 թագաւորի պատկերդ յարգոյ հա-
 մարեացիս քան զպատկերդ երկնա-
 ւորին. յիշեա զի գրեալ է, Ի պատ-
 կեր իւր արար Աստուած զմարդն:
 Մի փոխանակեր զմահկանացուդ

ընդ անմահին , զառօրեայդ ընդ
 մշանջենաւորին . զի այդմ պաա-
 կերի նախագաղափարն վազվազակի
 շարաշար ըստ արժանւոյն կորնչելոց
 է . իսկ ոգւոյդ քո կայ և մնայ
 յաւիտենական պատրաստեալ զա-
 թու իւր 'ի գառաստան , առ 'ի
 մշանջենաւոր գառել զայնպիսիան :
 Ասան որոյ , ով թագաւոր , զարթիր
 'ի թմբութենէդ որ ոչ է 'ի քնոյ .
 սթափեաց յարբեցութենէդ որ ոչ
 է 'ի գինւոյ , այլ վայի արժանի .
 հիւանդ ևս հոգւով , մի զանմահ
 մահն մեռանիր . կիսապօս ևս առ
 այժմ , մի բնաւ ասպականիր . եկ 'ի
 զզջումն փութասկես . ամբարձ յեր-
 կինս զաչս քո , նայեաց 'ի բարձունս
 առ տեր Աստուած քո : Յիշեա
 զարարիչն որ ստեղծ զքեզ յոչնչէ ,
 որ եհան զքեզ յարգանդէ . որ
 կերակրեաց զքեզ 'ի մանկութենէ .
 որ փշեաց 'ի քեզ զչունչդ . որ ետ
 քեզ զարքայութիւնդ . որ խոստա-
 ցաւ քեզ զհանդերձեալն եթէ պա-
 հեացես զպատուիրանս . որ իշխա-
 նութիւն ունի կենաց և մահու քո .

յիշեա զչնորհս աւագանին որով
 լուսաւորեցար . յիշեա զնուեղ
 սրբոյ եկեղեցւոյ որով դաստիարա-
 կեցար . յիշեա զհաղորդութիւն
 մարմնոյ և արեան տեառն որով
 քաւեցար . յիշեա զնշանն տէրու-
 նական որով կնքեցար յաւուրն
 փրկութեան . որով և սափականեալ
 եղեր . որով և փրկութիւն գտեր .
 յիշեա զմիւսանգամ գալուսան յոր-
 ժամ ծագի նշան փրկչին ՚ի յարե-
 ւելից սայծառ քան զարեգակն .
 յիշեա և զգնիլ աթոռոցն , զահեղ
 դատաստանն , զիւրաքանչիւր գոր-
 ծոց հատուցումն , յորժամ Հայր և
 Արդի և Հոգին սուրբ բազմին յա-
 թոռ փռաց . և զօրք հրեշտակաց
 յերկնից յերկիր հեղուն . մինչ զի
 թափուր լինել երկնից ՚ի բնակչաց :
 Արպիտի լինիցի ատեանն այն . յոր-
 ժամ բանքն սպառին և գործքն
 թագաւորեն . յորժամ իւրաքան-
 չիւր ումեք յանցանք հրապարա-
 կայայտ լինին , և զարհուրեալ գո-
 ղան տարրեղէն արարածքս : Անդ
 զայս ամենայն քեզ յուշ արարից .

յորժամ զղջացիս և ոչ օգտեսցիս .
 հառաչեսցես և ոչ հասանես . խըն-
 դրես և ոչ գտանես . զի կոչէի և ոչ
 լուար . յերկարէի զբանս և ոչ ան-
 սացեր . վասն որոյ այժմ լուր .
 մինչդեռ ժամանակս 'ի ձեռս է .
 մինչդեռ գոյ յոյս փրկութեան և
 ժամանակ ապաշխարութեան :

Անկիր առաջի տեառն արտա-
 սուօք և աղաչեա զերեսս նորա ա-
 պաշխարութեամբ . ասա , Մեղաց
 տեառն , որպէս Ղաւթիթ . և լուիցես
 սրտասխանի , եթէ՛ Եթող տէր
 զյանցանս քո . արտասուեա ընդ
 Պետրոսի և ընկալցիս վերստին ըզ-
 շնորհս . ընդ Պաւղոսի յուշ արա
 զանգիտութիւնդ . ընդ մաքսաւորին
 քաւութիւն խնդրեա . ընդ աւա-
 զակին գոչեա մեծաձայն . Յիշեա
 զիս տէր յարքայութեան քում . և
 լուիցես ժառանգել զգրտիսն ա-
 տուածատունկ : Աէր օրինակ բազմաց
 մեղուցելոց և վստահութիւն յու-
 սահատելոց . որք 'ի քոյդ նայելով
 'ի դարձ , գայցեն 'ի զղուսն ապաշ-
 խարութեան և յուսացին Թողու-

Թիւն գտանել . գոչեա ընդ Մանա-
սէի , Չեմ արժանի հայիլ 'ի բարձ-
րութիւնս երկնից 'ի բազմութենէ
անօրէնութեան իմոյ . վասն զի կան-
գնեցի պատկեր և բազմացուցի ըզ-
ցասումն անձին իմոյ . և զայլս որ 'ի
կարգին . որով հանգիպեացիս փր-
կութեան . ահա ծանուցի քեզ
զամենայն ճշմարտապէս որով ա-
պրեացիս :

Եւ յորժամ ամենայն բանքս աչ-
սօքիկ ոչ ազգէին 'ի միտս Թագա-
ւորին , այլ կարծրացուցանէր ըզ-
սիրս իւր իբրեւ զսալս դարբնաց .
և ինոյր զականջան որպէս իժի և
քարբի չարածոյն գազանացն . և
ոչ տայր տեղի Թովշին ճարտարի .
առնուլ գեղ 'ի գեղատուէն իմաստ-
նոյ . յայնժամ զմտրգարեականն 'ի
կիր արկանէր զհրաման մեծին Դաւ-
թի երանելի սուրբ հայրապետն
Յուսիկ . զորոյ զանուէն ասել
քաղցր է 'ի լսելիսն իմ զօրէն պա-
տուիրանի տեառն առաւել քան ըզ-
քաղցրութի մեղու 'ի քիմս ճաշակո-
ղաց ըստ հոգերգողին . և զինչ գոր-

ծէր երջանիկն 'ի հովուապետս .
 զսաստ բարիութեանն 'ի ձեռին ա-
 ռեալ իբրեւ զնեցուհս երկաթե-
 դէնս . և զսպասկեր պոռնիկին իբ-
 րեւ զանօթս կաւագործաց խոր-
 տակէր , և տօփելով 'ի վերայ ս-
 տամբ՝ բարբառէր . Աստուածք որ
 զերկինս և զերկիր ոչ արարին՝ կո-
 րիցեն 'ի ներքոյ երկնից . զի կուսք
 հեթանոսաց գեւք են . և զի ետ-
 տէր հրաման 'ի վերայ իժի և քարբի
 գնալ և կօխել զամենայն զօրու-
 թիւնս թշնամւոյն : Եւ այսպէս ա-
 ռաթուր հարեալ զգունեալ գար-
 շուժիւնն , ընդ ոտիւք արկանէր
 զնմանալին Վողիագ . զժողովուրդ
 իւր ամբողջ պահելով յաներեւոյթ
 այլազգեաց : Եւ վանեալ մեծաւ
 յաղթութեամբ զվիժխարի վիշապն
 ահագին . զոր օրինակ մեծն Վանիէլ
 զգարչելին զայն 'ի Բարեւոյժնի . կամ
 իբրեւ զՎաղոնն զայն 'ի ձեռն սրբ-
 բութեան տասրանակին առ քանա-
 նացիսն : Ընդ որ ցասուցեալ թա-
 գաւորին , զամենայն թոյնս դառ-
 նութեան իւրոյ թափէր 'ի նա փու-

Թանակի : անտէմ եղեալ սասանայի :
 զկանս նորա կատարելով յօժարու
 Թեանք : Եւ հրամայէր ձաղկել զնա
 ուժգին : ոչ միայն ըսա Պաւղոսի
 քառասուն միով պակաս , այլ մին
 շեւ յոգիս , զի զքառեայի 'ի կենաց .
 որպէս և եղևն իսկ : Տարանա
 հարեալ հանգոյն եղբոր անան
 Յակովբայ : որոյ և մասայն հա
 զորդ գտեալ 'ի Ք. թիսաս . ս'վ ան
 մասն Թեան զինուորացն . ս'վ ըս
 թին սպասաւորացն . ս'վ արբանե
 կաց բանասրկուին : Յորժամ բար
 կանայր Սաւուղ 'ի վերայ քահա
 նայիցն և հրամայէր կոտորել զնա
 սա վասն կերակրելոյն զՂաւաթիմ ,
 ոչ առին յանձն սպասաւորքն . այլ
 հրաժարէին ամենեքեան ասելով .
 Աչ մեկսցուք զձեռս մեր յօժեալ
 անան . մինչև Ղազեկ ասորի պա
 սահէր նոցա հրամանաւ Սաւու
 զայ : և յորժամ յանդիմանէր Պաւ
 զոս զքահանայապետն Անանիա
 վասն հրամայելոյն հարկանել ըզ
 բերան նորա , և սպասաւորացն ա
 սացեալ զքահանայապետ Ասու

Տոյ հայհոյես, ասէր . Աջ գիտէի
 եղբարք եթէ իցէ քահանայապետ .
 Թեպէտ և գիտէր իսկ . յայտ առ-
 նելով թէ պատկառել պարտ է յօ-
 ծութեան շնորհէն . նա և տէրն մեր
 և Աստուած՝ յորժամ ամեալ լի-
 նէր յատեան անասառուածիցն և
 հարցեալ յանօրէն քահանայիցն և
 համարձակութեամբ առնէր զպա-
 տասխանին, ապասկեալ լինէր ՚ի
 շարին սպասաւօրէն և ՚ի շար հա-
 տուցանողէն ընդ բարւոյ կեցուցչին
 իւրոյ . որ և ասէրն իսկ . Ա՛յդ պէս
 ասա սպասախանի քահանայապե-
 տիդ . և այսպէս ամենայն ուրեք
 պատկառէին ՚ի սպասուոյն : Իսկ սո-
 քա միայն երեւէին լիբրք և յան-
 գուզն, ոչ ունելով զերկեւզն Աս-
 տուծոյ և ոչ պատկառելով ՚ի շնոր-
 հէ քահանայութեանն . այլ զցան-
 կութիւնն սասանայի կատարէին
 անմտութեամբ ՚ի կորուստ անձանց .
 զի նա մարդասպան է ՚ի սկզբանէ
 ըստ հրամանի փրկչին մերոյ : Ա-
 ւանգ անմտութեան ազգիս մերոյ .
 քանի՛ լուսաւորիչս խաւարեցուցին .

օրչափ աստուածաբան բերանս խը
 ցին . քանի սիւնս եկեղեցւոյ տառա
 լեցին . զԱրիստակէս սրբազան
 արարին . զԱրթանէս հեռահալած
 առնելով . զՅուսիկն ողորածեծ
 վճարելով 'ի կենաց . զմեծն Ներսէս
 գեղապետ կորուսին . զսուրբն Սա
 հակ 'ի մեծազոս առաքեցին . որք իբ
 րեւ ճրագունք վառեցան Հայոց աշ
 դիս . և մեք առ ժամանակ մի կամե
 ցաք ցնծալ 'ի լոյս նոցա : Եւ սոքա
 այսպիսի օրինակաւ վճարեցին զայս
 կեանս :

Իսկ մանուկն Գրիգորիս . եղբայր
 Յուսիկանն երէց քան զնոյն . գեղա
 դէշ գիտօք և բարձր հասակաւ .
 հնգետասանամեայ կոչեցեալ յե
 պիսկոպոսութն Աղուանից աշխար
 հին . ծերունական հանձարով և
 սրբասէր վարուք՝ զմեծին Գրիգորի
 բերելով յինքեան զմանութիւն .
 հեախոտս ընթացեալ զերկայնաձիգ
 ճանապարհն ըստ օրինակի փրկչին
 մերոյ Յիսուսի . ճշմարտապէս ա
 նօթ ընարութեան գտեալ փա
 ռացն Աստուծոյ ըստ երանելոյն

Պաւղոսի . կրեալ զանունն արարչին
առաջի խուժադուժ ազգաց և ժո-
ղովրդոց՝ քարոզութեամբ բանին
կենաց : Արիաբար 'ի մարտ մտեալ
ընդդէմ բռնութե բանասարկուին .
բոլորապառուղ զինքն մատուցանե-
լով պատարագ ընդունելի 'ի հոս-
անուշից տեառն՝ այսպէս և ըստ
այամ օրինակի . զի յորժամ եհաս
յաշխարհն յայն և յանգիման եղեւ
Թագաւորին նոցա , զճշմարիտ վար-
դապետութիւնն 'ի կիր արկանէր .
և ջերմեռանդն սիրով քարոզէր նո-
ցա զաւետարանն Քրիստոսի : Եւ
զի նոքա յառաջ էին հաւատացեալ
քարոզութեամբ առաքելոցն և դար-
ձեալ վերստին 'ի նոյն մոլորութիւն
էին խոտորեալ , վասն որոյ զյեզ-
յեղուկ և զգիւրափոփոխ բարս որ-
պէս գործ էին ստացեալ , և յելու-
զակ արշաւանաց էին պարապեալ .
վասն որոյ Թէպէտ զառաջինն ըն-
դունէին զբան վարդապետութեան
երանելոյ հայրապետին , բայց յոր-
ժամ տեսին Թէ հատանել կամի
զյոյս աշխարհի նոցա , առաւելա-

պէս 'ի նախանձ գրգէին : Եւ զի
 քարոզէր նոցա մանուկն Գրիգորիս
 ասելով, Ով մարդիկ, դարձարուք
 առ տէր Աստուած ձեր և ծանե-
 րուք զարարիչն ձեր և զհաստիչ, և
 մի յընդունայնութիւն ծախէք ըզ-
 շնորհս բանականութեան ձերոյ և
 զհանձար իմաստութեան, հաւա-
 սարելով անասնոց անմտից, որք
 ոչ ճանաչեն զարարիչն իւրեանց.
 այլ գիտասջիք զի ձեր տէր գոյ յեր-
 կինս. որ կարողն է կերակրել զա-
 մենեւեան բանիւ զօրութե իւրոյ.
 որ կեցուցանէ միշտ զկորուսեալն
 ըստ հաճոյից կամաց իւրոց. և ըզ-
 հրամանէ նորա կախեալ կան ամե-
 նայն եղական բնութիւնք. որ ասէ
 արեգական և ոչ ծագէ, և զանձրեւ
 'ի հուր փոխարկէ. որ թուէ զբազ-
 մութիւն աստեղաց, և զամենե-
 սեան զնոսա յանուանէ կոչէ : Եւ
 'ի բախն ունի զունչ ամենայն կեն-
 գանեաց. որ բանայ և ոչ ոք է որ
 փակէ, և փակէ, և ոչ ոք է որ
 բանայ. որ ասնէ զհրաշակերտս և
 զմեծամեծս որոց ոչ գոյ թիւ. որ

փակեաց զժող աւազով, և զթան-
 ձրութիւնն հոծ և կարծրագոյն խը-
 ճողեալ երկրի՝ ՚ի վերայ հասանուա
 և լոյծ բնութեան ջուրց հաստա-
 տեաց, և որպէս կամի փոփոխէ զա-
 մենայն անհնարինս ՚ի հնարաւորու-
 թիւն: Եւ արդ որդեակք, լուարուք
 և ՚ի միտ առէք զհրաման պատուի-
 րանի տեառն, որպէս զի բարի լի-
 նիցի ձեզ, և ողորմութիւն գտչիք
 ՚ի մարդասիրութենէն ՚ի դէպ ժա-
 մանակի:

Չայս և առաւել քան զսոյն
 քարոզէր և ուսուցանէր երջա-
 նիկ հովուապետն Գրիգորիս ՚ի
 մէջ բազմամբոս ժողովրդեանն այ-
 նորիկ, յորգորելով զնոսա ՚ի հա-
 լատս, և վարժելով ՚ի գիտութիւն
 ճշմարտութեան, որք թէպէտ և
 զառաջինն տեղի տուեալ ունկնդիր
 լինէին քարոզութեան սրբոյ առնն
 Աստուծոյ, բայց յետոյ հրապոյրս
 պղտորս և դառնացուցիչս արբեալ
 սաստկապէս զարժանին վայի մա-
 տուցողաց և ընդունողաց, և կարծ-
 րացուցեալ զսիրտս իւրեանց որպէս

զՓարաւոնին և զնմանեաց նորին , և
 զչարեալ շարացն այնոցիկ 'ի շարա-
 գոյն հօրէն շարութեան , շարապէս
 շարշարանօք զչարշարանս սրբոյն
 հնարէին . կատարելով զկամս շա-
 րութոյն վիշապին , արբանեկին իւ-
 րեանց շարութեանն , որ հրապու-
 րէր զնոսա յայնպիսի շարութիւն ,
 Եւ զինչ առնէին . նորահնար իմն
 շարի գտակ եղեալ . զի հանգիսաւոր
 և հաշակելի շարութիւն գործես-
 ցեն : Եւ գտեալ 'ի գէս շարին խոր-
 հրրդոց , որով յագեցուցեն զախա
 սրամաութեանն , զվայրենի ամե-
 հութիւն քառաքեաց երիվարաց .
 որով ստորաքարչ ընթագրութեամբ
 զկեանս սրբոյն սպառէին , յածե-
 ցուցանելով ընդ լայնանիստ մեծու-
 թիւն գաշտին . զի ինամով մանրա-
 մասնաբար երկարութեամբ գղեսցի
 մատաղ մարմին սուրբ հովուապե-
 տին . յորոյ կարմրագոյն արեանն
 հեղմանէ՝ անբուսածին քարինք
 ծաղկէին , և թանձրագոյն հողն ու-
 առգանէր , կանաչագեղ բոյսքն ծի-
 րանեգոյն ներկանէին , և խռուա-

ցեալն դաշարանայր : Եւ մեծ քա-
 հանայապեան և երջանիկն յամե-
 նայնի՝ արգարեւ նմանեալ տեառն
 իւրոյ մեծի հովաւապեալին , աղօ-
 թելով վասն հօտին իւրոյ փրկու-
 թեան , ոչ միայն ոչ համարեալ ՚ի
 մեզս զյանդգնութիւնն աղերսէր .
 այլ և ողորմութիւն գտանել ՚ի
 տեառնէ հայցէր : Եւ այնչափ ջեր-
 մեանդն սիրով զգութ գորովոյ
 հաստատուն ունէր , մինչ զի ՚ի ստա-
 րաքարչ ընթագրութեանն ոչ լինէր
 կասեցեալ յայսպիսի խնդրոյս . այլ
 մինչեւ յելանել շնչոյն զնոյնս աղօ-
 թէր . որոյ ոչ լինէր անպառուգ մաղ-
 թանք աղօթից սուրբ հովաւապե-
 ալին . այլ ՚ի յանկ ելեալ տիրապէս
 կատարիւր խնդիր հայցուածոց նո-
 ըին . զի մահուամբն իւրով և կա-
 մաւոր շարչարանօքն շահէր զփրկ-
 կութիւն նոցա . և հաստատէին ՚ի
 հաւատս ճշմարիտս : Եւ յառնէր
 յազգէ նոցա թագաւոր բարեպաշ-
 տն և երկիւղած յԱստուծոյ . և ՚ի
 խնդիր ելեալ մեծաւ յուսով նշխա-
 րաց սրբոյ քահանայապեալին , գտա-

Նէր 'ի գեւղն Անարաս . մեծապառնչ
 Հանգիսիւ տնտեսութեւ զյիշատակ
 նորա շնծութեամբ աւ յամէ 'ի
 փառս Աստուծոյ :

Աւ արդ սորա շորեքին շատա
 շեղք մեծի հօրն հաւատոյ սրբոյն
 Գրիգորի Առաստօրչին մերոյ , սե
 րեալք սերտութեամբ 'ի նմանէն
 փրատէս ոչ միայն ըստ մարտնոյ ,
 այլ և հոգեւոր շնորհացն գոյով աը
 տուք գովելի երկամէք . սիրողք
 սրբութեան և քարոզք ճշմարիտ
 սրգւոյն Աստուծոյ . յիւրապանչիւք
 ժամանակս պայծառացեալք պան
 ծալի փառօր . առաքեալք առաքս
 դին , և սիրեցեալք 'ի ճշմարիտ սի
 բոյն . քահանայք պատուեալք
 քաղցրութոյց վարդապետութեամբ
 արեգակունք կողմանցս արեւու , և
 լուսատուք 'ի խաւարի նստելոցս .
 շնծութիւնք արամեցելոց , և ժողօ
 վողք զրուեալ հօսից . նարգոսք ա
 նուշարուրիչք , և քրքումք քաղ
 զրատեօսիչք . փեղեբաց ծաղիկք ,
 և աշխարհի խնդութիւն . պար
 ծանք քրիստոնէութեան , և պատկք

եկեղեցւոյ . Տիջնորդք խաղաղու-
 թեան , և հաշտեցուցիչք արարչին
 ընդ արարածս . օծեալք շնորհօք
 Հոգւոյն սրբոյ , և փոխանորդք ճշշ
 մարիա օծելոյն . լուսարաջն աջով
 օծանելով զամենեւեան յիւրաքան-
 ջիւր աշտիճանս , քանոնք հաւատոյ
 և բարձրացուցիչք եկեղեցւոյ . վար-
 դապետք ազայացելոյ , և գաստիա-
 բակք զարգացելոյ . ոմանց կաթն
 ջամբելով 'ի Քրիստոս , և ոմանց
 հաստատուն կերակուր ըստ Պաւ-
 զոսի . պարիսպք ջրջապատ եկե-
 ղեցւոյն Քրիստոսի , և աշտարակք
 ամբութեան հաւատոյ . 'ի յերկրի
 խորանակիցք մարդկան , և 'ի յեր-
 կինս գասակիցք հրեշտակաց . նա-
 ւաստիք ճշմարտութեան , և նաւա-
 հանդիստք ալեկոծելոյ : Ամոք հա-
 ւատոյ և պարճանք հաւասացելոյ .
 և արդ զինչ եւս ասացից . զի տկա-
 բանայ բանս առ 'ի ներքողել զառ-
 սա . ամենայնք յամենայնի , և ընդ
 ամենայնի ամենայնք եղեալք զամե-
 նեւեան ընդ . տունկք տենչալիք
 սանս թորդովեան , և բարունակք

Ծաղկեալք յայդւոջ սրբութեան ,
այսինքն է յեկեղեցի Քրիստոսի .
բողբոջեալք բարի արգասիւք ի
զանազան ծաղկանց հաւաքումն .
յօրինեալ պսակք վայելուչ՝ մեծա-
պատիւ փառացն Յիսուսի :

Արիստակէս և Արթանէս , Յու-
սիկ և Գրիգորիա , քառակի թուով
պանծացեալք հանգոյն չորից տա-
րերց ՚ի լիութիւն լրման աշխարհի .
լիացուցիչք լուսով լիապէս . յե-
ղեմաբուզիս աղբերէն յառաջեալք
լսա քառաաւջ վտակացն յարձակ
ման , առ ՚ի զովացումն ծարաւելոց
քառանկիւնի աշխարհի լրման .
սինք ամբութեան յԱստուած
խարսխեալք , միշտ յօգտութիւն
հաւատացելոց . չորեքգիմեան կառք
խմանալք լսա հրաշալի տեսեանն
Եղեկիէլի . աթոռք փառաց օրդւոյն
Աստուծոյ . բարձողք լծոյ բարձրե-
լոյն շնորհի , յորս հանգչի Աս-
տուածն ամենի . փառաւորեալն
ընդ հօր և հօգւոյն : Ընդ սոսա և
մեծն Դանիէլ դասակցեալ՝ երա-
նելին և երջանիկն ՚ի հարս . որպէս

ասի՝ աշակերտ եղեալ յառաջագոյն Ղուսաւորչին մերոյ սրբոյն Գրիգորի, և յերկարեալ մինչեւ ՚ի խորին ծերութիւն. ասորի գոլով ազգաւ, ՚ի զատական ցեղս որոշելով. բայց համեմատ գոլով սրբոցս, ՚ի սրբութեան վարս հաւասարեալոր և յանապասի բնակելով հանգոյն մեծին Յովհաննու և Աղիայի, և այնչափ առաքինասէր վարուք հաճոյացեալ Աստուծոյ՝ և մեծագոյն շնորհի արժանացեալ յարարչէն, մինչ զի մեծաւքանչ հրաշք և զարմանալիք կատարէին ՚ի ձեռս նորա ՚ի շնորհացն Աստուծոյ, որ զի թէ հարկ հասանէր ՚ի ձմերայնի ընդ լեռնային վայրս ճանապարհորդել, կամ վերանայր թանձրութիւն ձեանն ՚ի ճանապարհէն, և կամ յափշտակեալ լինէր մարմնով ՚ի տեղին յոր և կամէր գնալ սուրբ ծերունին:

Եւ արդ ՚ի ժամանակին յայնմիկ յորում սուրբն Յուսիկ նահատակեալ լինէր ձաղկմամբ ՚ի Տիրանայ թագաւորէն հայոց ոգորածեծ

առնելով զնա, և 'ի կենդանեացս՝
 փոխէր յաշխարհն կենդանի՝ արիա-
 կան վկայն Քրիստոսի, և սուրբն
 Դանիէլ յայսմ ժամանակի կեն-
 դանի գողով յանապատի, և վասն
 հռչակելի առաքինութեանն՝ ա-
 ծեալ լինէր 'ի Թագաւորն, զի կա-
 ցուցէն զնա յաթոռ հայրապե-
 տութեանն Հայոց՝ փոխանակ սրբ-
 բոյ Յուսկանն: Եւ խստագոյնս յան-
 գիմանեալ զԹագաւորն և զսպա-
 սաւորսն ծերունին սուրբ, 'ի յուշ-
 ածելով նոցա զսպարասանութեան
 գործս իւրեանց, վասն որոյ յա-
 ւելեալ 'ի շարիս Թագաւորն զեւս-
 անմտութիւնն, խեղդամահ առնէր
 զերանելին, ոչ պատկառելով 'ի
 հրեշտակական վարուցն և 'ի պատ-
 կառելի գիմացն, զի Թէ ընդ փայտ
 դալար զայն առնէին ընդ չորն զինչ
 լինէր, այսինքն՝ եթէ ընդ սուրբն
 Յուսիկ որ շառաւիղ գողով սրբոյ
 Լուսաւորչին մերոյ, և քահանայա-
 պետ փոխանորդ յաթոռ նորա, այն
 պիտի հարուածք անցուցանէին, ա-
 պա 'ի սուրբն Դանիէլ, որ ոչ ազ-

գային գուրով ըստ մարմնոյ և ոչ
 յաթոռ սրբութեան բարձրացեալ,
 զիսորդ խնայէին : Ողբացէք ծառք
 անտառի և ծաղիկք դաշտի զան-
 մտութիւն ազգիս մերոյ, եւս առա-
 ւել զթագաւորաց մերոց անզգա-
 մութիւն . վասն որոյ տայր զվրէժն ,
 անձամբ վճարեալ զսպարտս չա-
 րեացն յաստիսս ընդ մեծագոյն յա-
 մառութեանն . վասն ՚ի կուրացեալ
 լինէր 'ի Պարսից արքայէն , առհա-
 ւատչեայ անտի տանջանացն զաս-
 տիս ընկալեալ սրատուհաս . զի է՝
 որոց աստ ներէ Աստուած և անդ
 տանջէ զչարս , և է՝ զորս աստ և
 անդ տանջէ , զի մի կարճամիտքն
 թերացին :

Եւ արդ հնգեքին սոքա միա-
 բանեալք 'ի միասին տօնախմբու-
 թեամբս , հնգից զգայութեանց
 մերոց լինին մաքրութիւն , և բա-
 րեխօսք միշտ առ Աստուած վասն
 տօնողացս զյիշատակ սոցա : Զի
 տօնասիրութիւն տօնասիրաց՝ ա-
 ռանց չարչարանաց և նահատակու-
 թեան պսակակից առնէ սրբոց

զտօնողս իւրեանց սիրով յուսով և
 հաւատով : Եւ արդ, դուք ինձ, ով
 աստուածային գլուխք՝ ոչ մի կամ
 երկու, այլ հնգեքին ՚ի միասին
 պատուեալք. զսակաւ հիւսուածս
 բանիս յաղքատիմաց մտացս և յան-
 արժան անձնէ՝ սիրով ընկալարուք.
 Թէպէտ և ոչ ըստ ամենարժեայ
 մեծութեան ձերոյ, այլ ՚ի մէնջ
 ըստ կարողութեան հասուցեալ-
 և հասուսջիք մեզ յանսպառ աղ-
 բերացդ ըստ մեծութեան շնորհի
 ձերոյ զառատ ողորմութիւն. զի
 այժմ առաւել ունիք համարձա-
 կութիւն բարեխօսել առ որում
 մերձ էք Աստուծոյ, քան յորժամ
 ՚ի մարմնի տաղաւարէիք : Այլ և
 խնդրեսջիք յամենողորմ անառնէն
 աշխարհի զխաղաղութիւն, և եկե-
 ղեցւոյ սրբոյ զհաստատութիւն, և
 մանկանց նորին զմաքրութի և զսի-
 րոյ կապակցութիւն, վերակացուաց
 բանաւոր հօտից զմիաբանութիւն և
 զուղիղ քարոզութիւն. ժողովոցոց
 զհաւանութիւն և զանգորրութիւն.
 և մեք խրախացեալք ՚ի հոգեւոր սե-

դանոյ ձերոյ , փառաւորեացուք ըզ-
 չայր և զՍրգի և զՀոգին սուրբ ,
 այժմ և միշտ և յաւիտեանս յա-
 վիտենից . ամէն :



ՊԵՏՄՈՒԹԻՒՆ

ՎԵՐՈՒՑ ԵՒ ՆԱՀԱՏԱԿՈՒԹԵԱՆՑ

ԵՐԶԱՆԻԿ ՀԱՅՐԱՊԵՏԱՅՆ

ԱՐԻՍՏԱԿԻՍԻ, ՎՐԹԱՆԻՍԻ

ՅՈՒՍԿԱՆ, ,

ԳՐԻԳՈՐԻՍԻ, ՈՐԴԻՈՑ ԵՒ ԹՈՌԱՆՑ

ՍՐԹՈՅՆ ԳՐԻԳՈՐԻ



ԱՄԵՆՅՈՒԹՅՆ Աստուած որ ա-
սաց 'ի խաւարի լոյս ծագել, որ և
ծագեաց Ճշմարտացէս իսկ 'ի սիր-
արս մեր 'ի ձեռն երանեալ նաՀա-
տակին սրբոյն Գրիգորի, որք նրս-
տէաք 'ի խաւարի և 'ի ստուերս
մահու, և ծագեաց այսպէս: Արդ-
յեւթն և 'ի տասներորդ ամի ար-
քայութեանն Տրդատայ՝ նստաւ
յաթոս սրբոց առաքելոցն Բար-
թողումէոսի և Թագէոսի, սրբու-
թեանցն գտեալ քահանայադոր-
ծող, և ծնող մեր ըստ աւետարանին
և նախահայր աստանօր արտագրե-
լով: Յետ այսորիկ ապա գնացեալ
եւս ընդ արքային Տրդատայ յաս-
տուած սկարդ կայսրն Աստանդիա-
նոս բաղձօք իմն և նազելի և
վայելուչ մեծարանօք պատուէ ըզ-
սուրբ հայրապետն իբրեւ զկենդա-

Նի մարտիրոս առաջի անկանեցով,
 և ազօթս նուիրականս և օրհնու,
 Թիւնս 'ի նմանէն հայցելով, և այս
 պէս զնա պատուաւորեալ, և Տրբ.
 գատաւ հանդերձ հանեալ յոսկիս.
 պատ կառս, մեծաւ շքեղութեամբ
 յուզարկէ զճանապարհայն:

Չայսու ժամանակաւ յայանեալ
 լինէր Արիոս Աղեքսանդրացի, որ
 դաւաճանեալ 'ի գիւէ անաթ, ոչ
 գող սակեր զԱրդի 'ի բնութենէ Հօր,
 և ոչ հաւատար նմա և ոչ յառաջ
 քան զյաւիտեանս 'ի Հօրէ ծնեալ,
 այլ արարած, և յեա ժամանակի
 գոյացեալ: Ասն այսորիկ իսկա-
 պէս ժողով եպիսկոպոսաց լինի 'ի
 հրամանէ Առաքանդիանու 'ի Ափկիա
 Բիւթանացոց, ընդ որս և մերն
 Ասիատակէս կոչեցաւ, և անդ հարք
 երեքհարեւր ութեւասան ըստ Հոգ
 ւոյն սրբոյ տուչութեան քակեալ
 զազանդն Արիոսի՝ նզովեալ մերժեն
 զնա 'ի հազորգութենէ եկեղեցոյ:
 Իսկ նորա զարժանի ամբարշտու-
 թեանն կրեալ հատուցումն, և
 խառն ընդ գարշելիան 'ի վայր ըզ-
 փորոսին վայթեալ սատակեր:

Իսկ ապա մերն Ասիատակէս զար-
ձեալ գայր, բերելով ընդ իւր զար-
ժանընկալ քսան կանոնեալ գլու-
խըս ժողովոյն, ընդ որ յաւէս
խրախ լեալ Գրիգորի, յաւելոյր
այլ եւս գլուխս 'ի նոյն' 'ի զգուշու-
թիւն միճակելոց իւրոց: Բայց յոր-
մէ հետեւ եկն Ասիատակէս 'ի ժողո-
վոյն Ափկիայ, այլ ոչ եւս յաւել-
երեւել սուրբն Գրիգորիոս մինչեւ
ցվաթման իւր, այլ երթայր բնա-
կեր լուելեայն 'ի Մանեայ յայրան,
լսա գրեցելուսն թէ Ի նաւահան-
գիսս փութայ նաւ խառվեալ, և
անձն ժուժկալի' իննգրէ զանասպաս:
Իսկ ապա լուսաւորութեանս մերոյ
նահապետի սրբոյն Գրիգորի և ա-
ռաքելական ակթոսոյն նախաշաւիղ
ճանապարհի, յիսկզբանց անտի-
կալոյ յակթոս հայրապետութեանն
մինչեւ ցայնվայր, յորում ոչ եւս
յաւել ուսկը երեւել, թուին անք
երեսուն:

Իսկ սուրբն Ասիատակէս ժառանգ
հայրենի ակթոսոյն, ամենայն իրօք
զհետ երթայր սուրբ և արգար վաս-

տակոց , ջանացեալ քրիստոսագիր
 կիտիւ նուաճել զհօտ իւր 'ի կամս
 -Քրիստոսի , զոմանս հաւանողակա
 նաւ , իսկ զոմանս բռնաւորականով
 կարգով ջանայր պահել յակաստա
 նի , և իբրեւ զուր ինչ յազգեր միշտ
 ունելով զհոգւոյն շարժմունս ,
 յանգիմանէր զորս գտանէր 'ի
 շար գործս հակառակ Հոգւոյն .
 ընդ որոց ապա և Արքեղայոս ոմն
 կուսակալ Ծովաց աշխարհին , կըշ
 տամբեալ 'ի նմանէն սակս շար գոր
 ծոց իւրոց , ըստ դիպաց իմն 'ի ճա
 նապարհի ուրեմն յաշխարհին Ծո
 վաց ժպրհեալ , սխերիմ մտօք
 սպանանէ զուրբն սրով փոխըս
 տեայ ինքն գնացեալ յարեւմուտս
 Տաւրոսի . զոր ապա բարձեալ ըզ
 նշխարեալ մարմինն նորուն աշա
 կերտացն տարեալ հանգուցին յԵ
 կեղեաց գաւառն , 'ի Թիլն աւանի ,
 կացեալ յաթոռ հայրապետու
 թեանն ամս եւթն : Աչ թաղումն
 թերեւս զնորայն վարկեալ իմ , այլ
 փոխումն յայսմ աշխարհէ յաշ
 խարհն կենդանեաց , ուր ոչ լի

համբաւ մահու , այլ մշտնջենա-
զուարճութիւնս :

Իսկ զկնի սորա անգրանիկ եզ-
բայր սորուն Վրթանէս յաջորդէ
զաթոս սորուն , որպէս և հաճոյ
թուեցաւ Հոգւոյն սրբոյ : Բայց
հոգեւոր ճառագայթն մեր սուրբն
Գրիգորիս ամս բազումս կացեալ
յայրս Մանեայ վախճանի , անգի-
տարար իմն թաղեալ 'ի հովուաց'
Իրրեւ գտեալ զնա 'ի կարգ իմն ազ-
քատաց : Իսկ զկնի բազում ամաց
գտանէ զսուրբ մարմինս նորա Գառ-
նուկ ոմն Տգնաւոր աստուածային
իմն գողցես տուչութեամբ . և տա-
րեալ զնէ 'ի գեւղն Թորգան . յիւր
իսկ զբօսանաց պարտիզկանն : Զկնի
ամաց ինչ ապա և սուրբն Տրդատ ար-
քայ յանհամբուրիցն բարոյ և յան-
հրնազանդից ճշմարտութեն խար-
գաւանեալ խորամանկութեամբ և
տուեալ նմա արբուցումն մահու .
զոր տարեալ հանգուցանեն զմար-
մին նորա 'ի նմին աւանի 'ի նոյն
պարտիզկան , մերձ եղեալ 'ի քնա-
րանս սրբոյն Գրիգորի . որ համե-

մատ ընդ նմա իսկ զամենեւեան ար-
տարուէր 'ի ճանապարհաց շարաց
վերահացու երկրորդ լեալ լուսա-
ւորութեանս մերոյ :

Իսկ մեծն Արթանէս, մինչդեռ
էր նա 'ի Տարսն գաւառի, 'ի մատ-
րան Յովհաննու մկրտչի և Արթանա-
գինեայ վկայի, մահ սպառնացեալ
լինէր նմա 'ի ծածուկ իմն 'ի բնակ-
չաց Սիմ լերին, որք վասն ապի-
րատ և անազգակ շար գործոց միշտ
յանդիմանեալ առ 'ի նմանէն լի-
նէին : Իսկ նորա զգացեալ ապա, և
տեղի տուեալ շարին, գնայ փախոս-
տեայ 'ի գաւառն Եկեղեաց, անդ
կալեալ իւր կայեան բնակութեան :
Իսկ յետ մահուան սրբոյն Տրդա-
տայ անօրէնն Սանաարուկ երկրորդ
ազգաւ յԱրշակունի տանէ, զոր
կացուցեալ էր նահապետ Տրդատայ
'ի Փայտակարան քաղաքի, և յետ
մահուան նորա աստատմբութեամբ
բազմաւ թագ իւր կապեալ. ըստ
ամբարիշտ հրամանի նորա բարբա-
րոս հիւսիւսական ազգքն այնոքիկ
զոքանչելի մանուկն Գրիգորիոս,

զոր եպիսկոպոս Աղուանից կացուցեալ էին 'ի առհմէ սրբոյն Գրիգորի՝ սպանանէն ձիախրոխա ընթագրութեամբ 'ի Ասանեան գաշաին, և տարեալ հանգուցանէն զսուրբ մարմինն նորա 'ի գեւղն Ամարաս՝ որ 'ի փոքր Սիւնիս :

Յետ այսորիկ ապա մեծն Ալբրթանէս շոգաւ գնաց առ կայսրն Կոստանդինոս որդի Կոստանդիանոսի, ըղձակերտութեամբ առ 'ի նմանէն հայցեալ թագաւորեցուցանել հայաստանեացս զԽոսրով փոխանակ հօր իւրոյ Տրդատայ, զի Տիրեացէ մեզ, ասէ, քրիստոսակարգ տէրութիւնդ ձեր, և մի լիցի մեզ տիրել Պարսից անաստուածից : զոր և ողջախոհաբար ընկալեալ զսուրբ այրն, և կատարեալ և զինդիրն, կացուցանէ թագաւոր հայաստանեայց զԽոսրով : Իսկ յետ մահուն Խոսրովայ մեծն Ալբրթանէս առեալ ընդ իւր զՏիրան որդի Խոսրովայ, շուէ գնայ առ կայսրն Կոստանդինոս թագաւորեցուցանել զնա փոխանակ հօր իւր

րոյ : Իսկ հայսրն ապա ըստ առաջին նուազին բազմապատիկ պատուով զնա մեծարեալ և առձեռն պատրաստ զհայցուածսն կատարեալ, առաքէ ՚ի հայս պայծառապէս զՏէրան թագաւոր պսակեալ, որ եկեալ օիրէր հայրենի տէրութեանն : Իսկ ապա անօթն ընտրութեան և խորհրդածուն խորոցն Աստուծոյ և առաքելական աւանդիցն քարոզմեծն Արթանէս լցեալ զկէտ կենացս փոխի յայսմ աշխարհէ յաշխարհն կենդանեաց, կալեալ զաթոռ հայրապետութեանն ամս հընգետասան, և տարեալ հանգուցանեն զնա ընդ հարս իւր ՚ի գեւղն Թորգան :

Եւ յաջորդէ զաթոռ նորա Յուսիկ որդի նորուն, որ հեռեւոր հարցն առաքինութեան գտեալ հանգիսանայր միշտ ՚ի բոլոր բարեկարգութիւնս : Բայց յեա հրաժարմանն Աստանդեայ, Յուլիանոս անօրէն թագաւորեալ ՚ի հռովմ, և հպարտացեալ ՚ի վերայ գիտութենն Աստուծոյ, և կռամոլ գտեալ ու-

րանայր զՔրիստոս , և յարուցանէր
 հաշածանս եկեղեցւոյ : Ապա սա-
 տանդս 'ի մերն Տիրանայ առեալ ,
 կամահատար իւր զնա կացուցանէր .
 և ապա զպատկերն իւր նկարա-
 կերա , որ ըստ գիւաց սրտակերից էր
 սրածուձեալ , հրամայէ Տիրանայ
 կանգնել յեկեղեցւոջ իւրում , և
 վասն զի առ վտանգի երկեւղին՝ իւ-
 րովի Տիրան աարեալ զպատկերն
 կանգնէր յեկեղեցւոջ իւրում 'ի
 Ծովս գաւառի : Ասան այսորիկ
 գիմեալ 'ի տեղին սուրբն Յուսիկ ,
 հոգեւոր վարդապետութեամբ ար-
 րոհել զնա 'ի շար մտածութենէն
 հնարէր : Իսկ իբրեւ խնոյր լտելիք
 առ 'ի ջսել , յափշտակեալ ապա
 զպատկերն 'ի ձեռաց նորա , և ըն-
 կեցեալ յերկիր , և արօփեալ ո-
 տիւք 'ի վերայ խորասակէր . ընդ որ
 և 'ի շարութիւն իսկ Տիրանայ բոր-
 բոքեալ , հրամայէ հարկանել զնա
 վարոցօք , մինչեւ անդէն աւանդէ
 զոգին : Իսկ ծերունին Դանիէլ
 վասն այնպիսի շար անզգամութեան
 անիծակուր զարքայն արարեալ ,

հրամայեաց ապա և զնա եւս խեղ
 գամահ առնել . զոր տարեալ հան
 գուցանեն զնա 'ի հացեաց վանս .
 իսկ զեարվին սրբոյ Յուսկանն տա
 րեալ զնեն ընդ հարս իւր 'ի գեղն
 Թորգան , որ եկաց 'ի հայրապետա
 թեան անդ անս վեց :

Բայց վասն զի որդիք սրբոյն Յուս
 կան Պասն և Աթանազիոնէան , ըստ
 որում խաւարեցուցինն իսկ զսիրտ
 իւրեանց անտուրթեամբ , ըստ նմին
 և զտարափելի մահ անձանց նիւ
 թեցին . զի հրացայտ ցոլմուծք 'ի
 վերայ հասեալ սատակէր զերկոսին
 'ի միում տեղւոջ : Մանկիկ մի փոք
 րիկ Ներսէս անուն միայն Թողով
 իւր որդի Աթանազիոնէան , որ յայն
 Ժամ էր 'ի վարժս ուսման 'ի Նե
 սարիա : և ապա վասն ոչ գտանելոյ
 այր յազգէ սրբոյն Կրիզոստի , ըն
 տրեցին զոմն Փառներսէն անուն
 Աշախաակ , և կացուցին զնա յա
 Թոս հայրապետութեանն . սա ոչ
 աւելի քան զերեք անս տեւեալ
 վախճանի :

THE UNIVERSITY OF CHICAGO

PHYSICS DEPARTMENT

5720 S. UNIVERSITY AVE.

CHICAGO, ILL. 60637

2 6 6 0 0 9 1 0 4

PHYSICS DEPARTMENT

CHICAGO

The University of Chicago
Physics Department
5720 S. University Ave.
Chicago, Ill. 60637
Tel. 773-936-3700
Fax 773-936-3701
E-mail: physics@uchicago.edu
http://www.physics.uchicago.edu

ՊԱՏՄՈՒԹԻՒՆ

ԶԵՆՈՎԲԱՅ ԵՊԻՍԿՈՊՈՍԻ

ԶՈՐ ԱՐԱՐԵԱԼ Է ՎԱՄՆ

Ա Ն Տ Ո Ն Ի

Ե Ի

Կ Ր Օ Ն Ի Դ Ե Ա Յ

ԵՒ ԱՅԼՈՑ ԾԳՆԱՒՈՐԱՑՆ



Արդ իբրեւ եղեւ ելանել սրբոյն
Գրիգորի Լուսաւորչին մերոյ՝ ի խոր
վերասէն, և զայնասիկ որ գիւազ-
նեալքն էին՝ հանգերձ Թագաւո-
րան բժշկեաց և դարձոյց յաս-
տուածսպաշտութիւն լուսաւոր վար-
դասէտութեամբն իւրով, և ՚ի
հրամանէ Աստուծոյ ձեռնադրեցաւ
՚ի սրբոյն Ղեւոնդէ մեծէ, և հի-
մնարկեաց զեկեղեցին զոր իմ աւե-

լի անունս 'ի վերայ եզի' Գլակայ
վանք . եթող անդ պաշտօնեայս
եկեղեցւոյն զԱնտոն և զԱրօնիդէս
միայնակեացան , զորս 'ի Աեսարիայէ
ածեալ էր ընդ իւր . և զաշակերան
նոցա զՆսպիփան հայր հաստատեաց .
և եթող 'ի տեղւոջն կրօնաւորս քա-
ռասուն և չորս . և երկոտասան դաս-
տակերաս եկեղեցւոյն 'ի ծառայու-
թիւն կարգեաց : Եւ ինքն գրեաց
Թուղթ առ Ղեւոնդ հայրապետն
Աեսարիոյ , այսպէս .

Չառ 'ի յաստուածուստ պա-
տուեալ և 'ի մարգկանէ փառաւո-
րեալ տեառն և աստուածարեալ
հայրապետիդ Ղեւոնդեայ Մեդա-
ղու Աեսարեայ հոյակապ քաղաքի ,
որ 'ի ձերոյ սրբոյ ձեռնագրութե-
նէդ և 'ի մեր փանաքիմացութեանցս
առաջին Թուղթ ողջունիւ և սրբու-
թեամբ հասցէ . որով միշտ զխաղա-
ղութիւն պարգեւեացէ նախ ձե-
րում փառաւորութեանդ և ապա
բոլոր փեղերաց :

Յոյժ գոհանամք զԱստուծոյ որ
հայրահնամ ողորմութեամբն իւ-
րով գթացաւ յազգս մարդկան իջ-
մամբ Արգւոյն իւրոյ միածնի, որ
զամենայն ազինս հրաւիրեաց յեր-
կնային քաղաքն 'ի ձեռն առաքե-
լական քարոզութեանն. յորմէ և
այս աշխարհի կարի առաւել մասն
պարծանաց եհաս. զի երկոքեան
ամուքն աստ կատարեցան ըստ բաժ-
նի Հոգւոյն սրբոյ. որ թէպէտ և
առ նոքօք վերջացան 'ի ճշմարտու-
թենէն, սակայն ողորմութիւնն Աս-
տուծոյ գթացեալ և առ մեր նուա-
սութիւնս, 'ի մերում ժամանակի
կամեցաւ և գործեաց զսքանչելիսն,
զոր դու իսկ լուար 'ի մէնջ և
ծանեար: Մանաւանդ կրկին իսկ
գոհութիւն Աստուծոյ մատուցա-
նեմք, առաւել և ձեզ օրհնութիւն,
զի զգանձն կենաց աննախանձ շնոր-
հեցեք աշխարհիս հայոց, զմիջնոր-
դին Աստուծոյ և մարդկան զսրբոյ
Կարապետին Յովհաննու զնշխարան,
որով ցնծաց աշխարհս հայոց սորա

գալստեամբս , որպէս Յորգանան
 Քրիստոսի գալստեամբն : Եւ զայն
 դիտութեան աղագաւ ձեզ ծանու-
 ցանեմք . զի որպէս Քրիստոսի իջ-
 մամբն 'ի ջուրն' մահ կորեաւ . այն-
 պէս և սաս 'ի սորա գալստեանս ,
 զի գժոխոց գրուեք բնաւ փակե-
 ցան : Զի է սա սաս յերկրիս
 Հայոց 'ի յերրորդ աւարտին լե-
 րինն' որ կոչի Տորոս , և հասեալ
 անցանէ մինչեւ 'ի գուռն Պահլաւ
 Պարսից . և սա նովաւ բնակին եր-
 կիրն Մամիկոնէից բազում վայե-
 լուչտեղօք և առատատու պիտոյիւք .
 որ և որջացեալ էր մահ յերկուս
 տեղիս . ուստի և հրամանաւ Հոգ-
 ւոյն ձեռն 'ի գործ արկեալ՝ կործա-
 նեցի զպատկերսն սատանայի , և ե-
 դի 'ի մատենի անխախտելի զնշխարս
 սրբոց վկայիցն , որ և այժմ պա-
 տուեալ երկրպագի : Իսկ զերկուս
 կենդանի վկայն Քրիստոսի զոր
 գու յղեցեր ընդ իս զԱնտոն և ըզ-
 Արօնիդէս թողի 'ի տեղին ուր Պի-
 սանէան կործանեցաւ . զոր տեղի
 Իննակնեան նոր կոչեն : Արոց կէս

եղեալ զվարս իւրեանց յաշխարհի .
 զի խաչեալ իսկ են ընդ մարմինս իւ-
 րեանց ընդ Քրիստոսի և արդ մասն
 վասն բազմաց փրկութեան . զորս
 իբրեւ զանգիւտ մարգարիտս համա-
 ըմ գնոսա տուեալ ինձ : Բայց
 վասն մտերմական սիրոյդ զոր ունիս
 ընդ իս , ազաչեմ զի զմիւս այլ ըն-
 ծայն շնորհեսցես . զի հունձք բա-
 զում հասեալ են 'ի Քրիստոս ,
 բայց զքեզ իբրեւ զճշմարիտ անբ-
 մշակաց , զի հանցես մշակս 'ի հունձս
 յայսոսիկ : Յորոց մինն 'ի քաջ մշա-
 կաց զոր ես խնդրեմ 'ի քէն՝ Եղիա-
 զարոս՝ Նիւսարիացւոց եպիսկոպոսն՝
 որ է եզրայր Չենորայ եպիսկոպո-
 սի , զոր ընդ իս ամեալ ձեռնադրե-
 ցի երկրիս Մամիկանեից : Արդ և
 զգա յղեսցես հանդերձ այլ մշակօք
 մանկաւովք . մանաւանդ թէ զՏի-
 մոթէոս Ադոնացւոց եպիսկոպոս
 յղեսցես , զոր գու իսկ գովէիր
 զհամութիւն գարութեանն , որ
 յոյժ պիտանի է երկրիս այսմիկ . ո-
 բով օգնութիւն գտեալ 'ի քէն ա-
 ղօթից և խնդրուածոց , ուստի յա-

րաժամ ճգնութեամբ՝ բազմաց օրի-
 նակ գուլով դաստիարակելով շը-
 նորհին աւառն : Աղջ լիցիս վասն
 բազմաց փրկութեան ՚ի աէր : և մե-
 րոյ բարեխօսութեան յապառնիան
 և ՚ի ներկայս :

ՊԱՏԱՍԻԱՆԻ ՊԱԾԾԱՆԱԴՈՐ ԳՐՈՅ
ՍՐԲՈՏՆ ԳՐԻԳՈՐԻ, ԶՈՐ ՅՂԵԱՅ ԿԵ-
ՍԱՐՈՒ ՀԱՅՐԱԳԵՏՆ Ի ԺԱԾ ՎԱԽ-
ՃԱՆԻՆ

Երջանիկ և աստուածարեալ
տևառնոյ Լորբոյ և արոռակցիոյ

Եհասա առ մեզ գիր ուրախարար,
և յոյժ անթերի ուրախութեամբ
լցեալ կազգուրեաց զվշտագնեալ
անձն իմ. որ թէպէտ և 'ի արամու-
թեան էի վասն իրիս հասելոյ, սա-
կայն շարժեաց զմերս դանդաղու-
թիւն ձեր գոհութեան նամակդ.
զոր եւս առաւել գոհութիւն մա-
տուցանեմք Աստուծոյ ըստ գրեցե-
լոյդ 'ի քէն. որ ոչ անտես արար
զձեզ յիւրմէ սքանչելի ողորմու-
թենէն. որք բազում ժամանակս
մոլորեալք ընթացան ընդ խաւար
կռապաշտութեան՝ 'ի ճանապար-
հէ երկնային պողոտային. 'ի գէպ

եկեալ նոցա մարդարէութեանն
 բան, թէ խողովուրդ որ նստէիք ՚ի
 խաւարի անգիտութեան՝ տեսէք
 զլոյս մեծ: Զի թէպէտ և վաղ ծա-
 դեաց արեգակնն արդարութեան,
 սակայն ազգ քո իբրեւ ՚ի մէջ գի-
 շերի շօշափէին զորմ՝ կաապաշտու-
 թեան. յորս հայեցեալ Աստուած
 էջ ՚ի փրկել ՚ի ձեռաց անմարմին
 Փարաւոյնէ, կրկին մովսէսեան գա-
 ղափար զքեզ տուեալ գոցա յաս-
 տուածակոյս կողմանն. և դու ըն-
 արեցար գոցա ՚ի տեղի սուրբ առա-
 քելոցն Բարդողոմէոսի և Թագէո-
 սի. յիշեա զնոցա նահատակու-
 թիւնն և մի երբէք վերջանար ՚ի
 շաւղաց նոցա, զոր ետ քեզ տէր ՚ի
 շինել և ոչ ՚ի քակել. և չիք ինչ
 պատճառ. զի և մուտ սրբոյ Կարա-
 պետիս սկիզբն է շինութեան: Բայց
 աղաչեմ մի մոռանար և զիմ երախ-
 տիքդ զոր արարի ձեզ, զի և ես
 օրհնութեան գտայց արժանացեալ:
 Եւ զտեղիան իննակնեան՝ զոր ո-
 մանք Բարեբուխ կոչեն՝ կացս կրօ-
 նաւորք և վանք շինեա ըստ օրինակի

այսց կրօնաւորացս զոր տեսեր 'ի
 մեր աշխարհիս . և 'ի սրբոյն Անտոնէ
 առաւել ուսցիս զվարս ճգնութե ,
 որ ոչ ինչ պակաս է 'ի հրեշտակաց :
 Եւ զԵպիփան աշակերտդ Անտոնի
 հաւանեցուցի դալ առ ձեզ , ունե-
 լով ընդ իւր արս քառասուն ճրգ-
 նաւորս և խարազնազգեստս , սար-
 կեշտք 'ի վարս և հրաժարեալք յաշ-
 խարհէս . զոր առեալ կացուցես
 զԵպիփան հայր վանացդ Զենով-
 բայ : Գրոշմեջիւր արձան յաւիտե-
 նից , զի մի ոք 'ի զաստակերտս կամ
 'ի գեղաքաղաքս զօրէն Աղեքսանդ-
 րացւոցն գործեսցէ , շինելով իւրա-
 քանչիւր ումէք խրճիթս շուրջ ըզ-
 տէրունեան տաճարան , և առան-
 ձինն բնակել աղաչեմ մի տար
 հրաման , այլ թողովել 'ի մի տեղ հա-
 թիւր արանց չափ . և որոշեսցես նո-
 ցա դաստակերտս և աւանս , որպէս
 զի սէտք վանացն 'ի նոցանէ վճա-
 րեսցին , և ինքեանք միայն աղօթից
 և ճգնութե պարապեսցին : Խրա-
 տեա և զիշխանս լինել աղքատա-
 սէրս և ողորմածս : Իսկ զշինուածս

մատրանն մի շինեացես կրօնաւո-
րանոցս, այլ կացուացես անդ քա-
հանայս և քորեպիսկոպոսս, և որո-
շեացես նոցա դաստակերաս դարմա-
նիչս աղքատաց և որբոց: Բայց մեզ
աղօթս արասցես, զի յերեւել ճըշ-
մարիտ հովուապետին՝ ընկալցուք
զերկնից սասկն: Աղջ լերուք ՚ի տէր:

Եւ առեալ զսպաստախանիան բե-
րին առ սուրբն Գրիգոր. իբրեւ
լուաւ՝ ուրախ եղև յոյժ:

Եւ յետ ժամանակաց ինչ լուր
եհաս ՚ի գուռն արքունի, եթէ Կոս-
տանդիանոս կայսր հաւատաց յԱս-
տուած, և դադարեցոյց զհալա-
ծուսն յամենայն եկեղեցեաց: Ապա
խորհուրդ ՚ի մէջ առեալ գնալ ՚ի
գուռն կայսեր վասն գնելոյ դաշինս
՚ի մէջ իւրեանց. և իբրեւ եկին և
յանդիման եղեն Տրդատ Գրիգորիւ
հանդերձ ՚ի գուռն ծիրանափառ
Ոգոսանայ, և եգին զդաշինսն ՚ի
միջն՝ վկայիւն Աստուծոյ մեծիւ
խոստովանողաւն և երանելեաւն

Սեղբեսորոսիւ հանդերձ Քրիստոս
սի հաւատացելովքն՝ զոր ընկալան
'ի տեառնէ : Եւ յեա աւուրց բազ-
մաց ելեալ 'ի նմանէ մեծաշուք պա-
տուով ընդ իւրեանս ունելով ըզ-
գանձն աստուածային , զոր եա ար-
քայն Կոստանդիանոս զահեակ
ձեռնն Անդրէի առաքելոյ , և այլ
ինչ 'ի Պեարոսէ և 'ի Պաւղոսէ :

Եւ յորժամ եկին յԵկեղեաց
գաւառն՝ կատարէին զյիշատակ
Կարապետին որ յեա պենտեկոս-
տէին , զոր 'ի նաւասարդի 'ի մին էր
կարգեալ . բազում ցնծութիւն և
ուրախութիւն աչքասաց և պառ-
ժապարտաց արձակել 'ի բանտից
շնորհեաց : Եւ իբրեւ եկին 'ի տե-
ղիսն Իննակնեան , խնդիր արարին
սրբոցն Անտոնի և Կրօնիգեաց : Իսկ
պաշտօնեայքն ասեն . Այս ամ մի
է զի ոչ եմք տեսեալ զնոսա : Եւ
արամեցաւ թագաւորն յոյժ , զի 'ի
վաղնջուց ցանկայր տեսանել զնո-
սա : Իսկ սուրբն Գրիգոր առա-
քեաց խնդրակա զԱղբիանոս եպիս-
կոպոս 'ի խուլցս նոցա հանդերձ եր-

կու սարկաւազօք, տուեալ նոցա
 խրատ թէ Յառաւուռն պահուն
 ելանեն յանտառէն 'ի բլուրս ու-
 րեք, և դուք անդ կացէք զգոյշ, զի
 մի զձեզ տեսեալ փախիցեն: Եւ զա-
 ւուրս չորս ոչ կարացին գտանել,
 իսկ 'ի լուսանալ աւուրն հինգերորդի՝
 լուան զձայն սաղմոսերգութե
 նոցա, զի գային յանտառէն յարե-
 ւելից կուսէ 'ի քաղցրահամ աղբե-
 րէն. և եկին 'ի բլուրն երեւելահան
 տեղւոյն Արարից Գեմեարեայ, զոր
 կոչեն Արեւու բլուր. զի անդ էին
 գարափոր խցիունք նոցա: Եւ իբ-
 րեւ մերձեցան 'ի գլուխ լերինն,
 սկսան սաղմոսել այսպէս. Ասելի
 արա ինձ առաւուռաց զօղորմու-
 թիւնս քո, զի ես 'ի քեզ տէր յու-
 սացայ: Իսկ Աղբիանոս ասէ. Հոգի
 քո բարի առաջնորդեցէ ինձ յեր-
 կիր ուղիդ: Եւ աղօթեալ անդ ասէ
 Անտոն ցԱղբիանոս. Բարի եկիր
 ճանապարհորդ խաղաղութեան:
 Իսկ նա ասէ. Բարի և խաղաղու-
 թիւն ընդ ձեզ մշակքդ Աստուծոյ և
 օթեվանք Հոգւոյն սրբոյ, այլ և ա-


ւեախք ձեզ, զի սուրբն Գրիգոր և
 Տրդատ 'ի բնակութիւնս ձեր էն և
 յոյժ խնդրեն զձեզ: Իսկ նոքա ա-
 սեն. Նաեւ ձեզ եւս առաւել ու-
 րախութիւն և աւեախք, զի այսպի-
 սի բարիք Աստուած 'ի ձերում ժա-
 մանակի յայանեաց, և զաստանայ
 կործանեաց, զհոգեւոր խաղաղու-
 թիւն աշխարհի պարգեւելով ա-
 րարչին յաւիտենից: Եւ իսկոյն ա-
 ռաքեաց Աղբիանոս զսարկաւա-
 գունան առ հայրապետն աւետա-
 ւորս: Եւ սուրբն Գրիգոր առա-
 քեաց առ Տրդատ աւետաւորս 'ի
 ստորոտ Արձանին զնոյն սարկա-
 ւագունան: Որ յոյժ ուրախու-
 թեամբ լցեալ եկն 'ի վանան հան-
 դերձ գլխաւորօքն. իսկ զաեղիան
 ուր զաւետիան ետուն՝ հրամայեաց
 վէմս ժողովել, զոր և կոչեմք Աւե-
 տեաց խաղ:

Իսկ սրբոյն Գրիգորի առեալ ըզ-
 դասս պաշտօնեիցն, զանտառան
 հնչեցուցանէր. իբրեւ մերձ եղեն 'ի
 բլուրն՝ նոքա ընդ առաջ գային. և
 միաբանեալ 'ի բլուրն աղօթեցին:

Եւ յեա ողջունին ասէ սուրբն Գրի-
 դոր . Բարիոք գտաք զձեզ և խաղա-
 դութեամբ առաւօտք բարեաց : Իսկ
 նոքա ասեն . Բարի եկիր արուսեակդ
 արդարութեան , որ զտեզերս լու-
 սաւորես . մշակ առանց ամօթոյ և
 աշտանակ բարձրագոյն քան զեր-
 կինս : Եւ կարգացաւ անուն տեղ-
 ւոյն Աւետեաց բլուր : Եւ իբրեւ
 եկին յեկեղեցին , հանգիպի նոցա
 թագաւորն , և հայցէր օրհնիլ ՚ի նո-
 ցանէ . և յարուցեալ համբուրեաց
 զնոսա , և նստան առաջի վկայարա-
 նին : Եւ նոքա բազում վարդապե-
 տութեամբ խօսէին ընդ նոսա , և
 ուսուցանէին զսրբութեան կրօնսն :
 Իսկ թագաւորն մեծ գոհութիւն
 Աստուծոյ մատուցանէր : Եւ կա-
 ցեալ ՚ի տեղւոջն զաւուրս տասն և
 հինգ , ապա յեա այսորիկ գնաց ՚ի
 բուն կայանսն արքունի ՚ի Ազգար-
 շապատ քաղաք :

ՎԱՍՆ ՄԵԼՈՒՆՆ ԸՆՏՈՒ
ԵՒ ԿՐՕՆԻԴԵՆՑ

Ձե՛նոր եկաց հայր Գլակայ վա-
նացն զամս քանն : Յեա մահաւանն
Ձե՛նորայ եպիսկոպոսի՝ յաջորդէ
զաթոռ նորա Եպիսկան աշակերտն
Մնտոնի ամս երեսուն . 'ի սորա
տասն ամին եկն սուրբն Գրիգոր
առ Մնտոն եւ Արծնիդէս բնակել առ
նոսա յանասպարին . իսկ նորա հա-
նին անախ ասելով . Գնա յանձա-
նօթա ուրեք , զի մի սաս փառաւո-
րութիւն մատուցեն քում սրբու-
թեանդ : իսկ նորա երթեալ բնա-
կեցաւ 'ի Մանեայ այրս , որպէս ա-
սի լինել անդ ամս եօթն , փոխի առ
Գրիստոս : Ստեփանոս աշակերտ
Եպիսկանու ամս հնգեասանս . 'ի
սորա չորրորդ ամի վախճանեցաւ
սուրբն Մնտոն . ե յեա երկրորդ
ամսոյ սուրբն Արծնիդէս , կացեալք
ամս քառասուն յիննակնեան վան-
որն , սակաւ ինչ հեռագոյն յեկե-
ղեցւոյն ըստ հարաւոյ կուսի :



Յ Ա Ն Կ

Ժ . ՀԱՏՈՐՈՅ

- Ներբողեան յԱրդիս և 'ի Թո-
ռունս սրբոյ Լուսաւորչին . 5
- Պատմութիւն վարուց Արդւոց և
Թոռանց սրբոյ Լուսաւորչին . 47
- Զենոբայ Գլակայ պատմութիւն
վասն Անտոնի և Կրօնիդեայ և
այլոց ճգնաւորացն 59

